

ЗАПАСТАҒЫ КІШІ СЕРЖАНТТАРДЫ ДАЙЫНДАЙДЫ

13 қараша – Қазақстан Республикасы Қарулы Күштерінің радиациялық, химиялық және биологиялық қорғау әскерлерінің күні. Бұл – радиациялық, химиялық және биологиялық қорғау жаппай қырып-жоятын қарудан қорғану шараларын орындау үшін арнайы құрылған әскер.

Қазіргі уақытта радиациялық, химиялық және биологиялық қорғау әскерлерінде шешілетін тапсырмаларға қатысты барлау, арнайы өңдеу, аэрозольді қарсы іс-қимыл бөлішелері мен отшашар бөлімшелері бар. Қазақстан Республикасы Қарулы Күштері РХБ қорғау әскерлерінің жеке құрамы жоғары дайындық деңгейін көрсете отырып, әртүрлі халықаралық оқу-жаттығуларға белсене қатысады.

М.Әуезов атындағы ОҚУ КЕАҚ әскери кафедрасы «Радиациялық, химиялық, биологиялық қорғау бөлімшелері мен бөлімдерін қол-

дану», «Қару-жарақ пен радиациялық, химиялық және биологиялық қорғау құралдарын, экологиялық бақылаудың техникалық құралдарын пайдалану және жөндеу», «Қарулы Күштердің жауынгерлік іс-қимылдарының радиациялық, химиялық және биологиялық қорғалуын, экологиялық қауіпсіздігі мен қоршаған ортаны қорғауды ұйымдастыру» әскери-есептік мамандықтары бойынша запастағы офицерлерді «Радиациялық және химиялық барлау және дозиметрлік бақылау», «Жабдықтар мен жабдық-тұрмандарды зарарсыздандыру құралдары», «Сұйықтықпен арнайы өңдеу құралдары», «Радиациялық және химиялық барлау мен дозиметрлік бақылау құралдары» әскери-есептік мамандықтары бойынша запастағы кіші сержанттарды дайындайды.

Біздің негізгі мақсатымыз – өз қол астындағыларын басқара білетін қазіргі замандағы әскерлерді радиациялық, химиялық және биологиялық қорғаумен қамтамасыз ететін, РХБ әс-

керінің запастағы офицерлері мен сержанттарын дайындау. Кафедра түлектері әскери дайындықтан өту барысында радиациялық, химиялық, биологиялық қорғау құралдары мен қару-жарақтарын пайдалануды ұйымдастыру ережелерін, қару-жарақ және жөндеуді ұйымдастыруды, радиациялық, химиялық және биологиялық барлау және бақылау негіздерін, радиациялық, химиялық және биологиялық жағдай туралы деректер мен ақпаратты жинау және өңдеуді, радиациялық, химиялық және биологиялық ластану туралы әскерлерді хабардар ету тәртібін, радиациялық, химиялық және биологиялық бөлімшелердің жауынгерлік іс-қимылдарын басқаруды және кешенді қамтамасыз етуді ұйымдастыруды толық меңгереді.

**Бауыржан БАЙҒҰЛОВ,
М.Әуезов атындағы
ОҚУ» КЕАҚ
әскери кафедрасының
аға оқытұшысы,
биология ғылымдары
магистрі
запастағы майор**